

Sakspapir

Saksbehandlar	Arkiv	ArkivsakID
Sveinung Toft	FA - X26	15/199

Saknr	Utval	Type	Dato
116/2015	Formannskapet	PS	20.10.2015
086/2015	Kommunestyret	PS	28.10.2015

Framlegg til overordna risiko og sårbarheitsanalyse for Masfjorden kommune

Vedlegg:

Framlegg til R

Rådmannen sitt framlegg til vedtak:

Framlegg til overordna risiko og sårbarheitsanalyse for Masfjorden kommune dagsett 14.10.2015 vert godkjent.

Det vert vist til Lov om kommunal beredskapsplikt og forskrift om kommunal beredskapsplikt sin § 2.

Ny overordna ROS for Masfjorden skal liggja føre innan 01.11.2017.

Saksopplysningar:

Bakgrunn og fakta:

Alle kommunar skal etter lov om kommunal beredskapsplikt (Sivilbeskyttelsesloven) og etter forskrift om kommunal beredskapsplikt sin § 2 gjennomføra ein heilskapeleg risiko- og sårbarheitsanalyse (ROS), der ein også kartlegg, systematiserer og vurderer sannsynet for uønska hendingar som kan inntreffa kommunen, og korleis desse hendingane kan påverka kommunen. I paragraf 2 står det følgjande:

«§ 2. Helhetlig risiko- og sårbarhetsanalyse

Kommunen skal gjennomføre en helhetlig risiko- og sårbarhetsanalyse, herunder kartlegge, systematisere og vurdere sannsynligheten for uønskede hendelser som kan inntreffe i kommunen og hvordan disse kan påvirke kommunen.

Den helhetlige risiko- og sårbarhetsanalysen skal forankres i kommunestyret.

Analysen skal som et minimum omfatte:

a) eksisterende og fremtidige risiko- og sårbarhetsfaktorer i kommunen.

b) risiko og sårbarhet utenfor kommunens geografiske område som kan ha betydning for

kommunen.

c) hvordan ulike risiko- og sårbarhetsfaktorer kan påvirke hverandre.

d) særlige utfordringer knyttet til kritiske samfunnsfunksjoner og tap av kritisk infrastruktur.

e) kommunens evne til å opprettholde sin virksomhet når den utsettes for en uønsket hendelse og evnen til å gjenoppta sin virksomhet etter at hendelsen har inntruffet.

f) behovet for befolkningsvarsling og evakuering.

Kommunen skal påse at relevante offentlige og private aktører inviteres med i arbeidet med utarbeidelse av risiko- og sårbarhetsanalysen.

Der det avdekkes behov for videre detaljanalyser skal kommunen foreta ytterligere analyser eller oppfordre andre relevante aktører til å gjennomføre disse. Kommunen skal stimulere relevante aktører til å iverksette forebyggende og skadebegrensende tiltak.»

Masfjorden kommune fekk tilsyn frå Fylkesmannen i Hordaland den 10. mars 2015, og tilsynsrapporten som vart sendt over i brev av 27.03.2015 viste at kommunen hadde ein stor jobb å gjera med å få ferdig ein overordna risiko- og sårbarhetsanalyse for heile kommunen. Administrasjonen byrja opp dette arbeidet før tilsynet. Etter fleire møter internt i administrasjonen og etter møter med andre regionale og statlege etatar har arbeidsgruppa lagd framlegg til overordna ROS for Masfjorden kommune. Analysearbeidet baserer seg på ein metode som Direktoratet for samfunnssikkerhet og beredskap har laga til, og som i oktober 2014 vart sendt ut i ein eigen vegleiar til alle kommunane.

Vurdering

Rådmannen vil visa til at det er eit stort arbeid å laga ein heilskapeleg ROS-analyse for ein kommune, og at dokumentet som no ligg føre er eit produkt som er laga etter lang tid med arbeid både internt i administrasjonen, men og etter samhandling med regionale aktørar, BKK, statlege etatar m.fl. Dokumentet vart og drøfta i beredskapsrådet sitt møte den 22.09.2015 på kommunehuset. Dokumentet skal etter rådmannen si vurdering dekkja dei viktigaste områda som Masfjorden kommune kan verta råka av uønska hendingar med.

Rådmannen meiner at dokumentet som no ligg føre difor vil verta det viktigaste grunnlagsdokumentet for det vidare samfunnstryggleiks- og beredskapsarbeidet i kommunen. Sidan det er den første ROS-analysen på overordna nivå som er laga i Masfjorden, er det ønskjeleg at dokumentet kan reviderast av rådmannen ved behov, og at kommunestyret om to år skal få ein revidert analyse opp til ny handsaming igjen.

Konklusjon

Rådmannen rår til at kommunestyret godkjenner framlegg til overordna risiko – og sårbarhetsanalyse for Masfjorden kommune dagsett 14.10.2015.

Formannskapet - 116/2015

FS - behandling:

Ordfører Karstein Totland orienterte om saka.

Saka og ROS analysen vart drøfta.

Røysting:

Framlegg til vedtak frå rådmannen vart samrøystes tilrådd til kommunestyret.

FS - vedtak:

- **Framlegg til overordna risiko og sårbarheitsanalyse for Masfjorden kommune dagsett 14.10.2015 vert godkjent.**
- **Det vert vist til Lov om kommunal beredskapsplikt og forskrift om kommunal beredskapsplikt sin § 2.**
- **Ny overordna ROS for Masfjorden skal liggja føre innan 01.11.2017.**

Kommunestyret - 086/2015

KS - behandling:

Ordfører Karstein Totland orienterte om saka.

Saka vart drøfta.

Røysting:

Formannskapet sitt framlegg til vedtak vart samrøystes vedteke.

KS - vedtak:

- **Framlegg til overordna risiko og sårbarheitsanalyse for Masfjorden kommune dagsett 14.10.2015 vert godkjent.**
- **Det vert vist til Lov om kommunal beredskapsplikt og forskrift om kommunal beredskapsplikt sin § 2.**
- **Ny overordna ROS for Masfjorden skal liggja føre innan 01.11.2017.**